


Mor.

40

459.

Nov. 459.

Schmidt



<36622042160019

<36622042160019

Bayer. Staatsbibliothek

S

Sonden sehen Teu-
feln oder Lastern/ damit die bösen vn-
artigen Weiber besessen sind / Auch von sehen
Tugenden / damit die frommen vnnnd vers-
nünftigen Weiber gezieret vnnnd be-
gabet sind / in Reimweis ge-
stelt/ Durch Nicolaus
Schmidt.



Ihesus Sprach am xxv. Cap.

Es ist kein kopff so listig als der Schlangen
kopff/ vnd ist kein zorn so bitter/ als der frawen
zorn/ Ich wolt lieber bey Lewen vnd Trachen
wollen/ denn bey einem bösen Weib/ etc.

Vnd am xxvj. Cap.

Ein tugentsam Weib / ist ein edel gabe/ vnd
wird dem gegeben / der Gott fürchtet / er sey
reich oder arm/ so ist es jm ein Trost/ vnd macht
jn allzeit frölich.

M. D. LVII.

THE
LIBRARY OF THE
UNIVERSITY OF CHICAGO
1892

THE
LIBRARY OF THE
UNIVERSITY OF CHICAGO
1892

THE
LIBRARY OF THE
UNIVERSITY OF CHICAGO
1892

LIBRARY OF THE
UNIVERSITY OF CHICAGO

Eist aus Gottes wort krefftig zu Gen. 3. 7.
erweisen / das der Ehestand von Gott ge-
stiftet vnd angerichtet ist / das Man vnd
Weib freundlich vnd friedlich bey einander wo-
nen / vnd Kinder zeugen / dieselbigen in Gottes
erkenntnis / Gott zu ehren / vnd der Welt zu nutz
auffziehen sollē / das auch das Weib dem Man Ephes. 5
gehorsam sey / in für ir haupt vñ herrn erkenne
vnd halte / der Man auch widerumb das Weib
liebe vnd versorge / wie sich selbst.

Solchs ist dem Teuffel / als einem verstor-
er aller Göttlichen werck / ein vnleidlicher handel /
wehret vnd hindert derhalben wo er kan / das
ja solche Göttliche stiftung vnd anrichtung ih-
ren fortgang nicht behalte / wie sie anfenglich
von Gott ist angerichtet worden / treibet der
wegen mit gantzer macht alle die mittel / so im
zu solcher verstörung dienstlich sind / auff das
die Eheleut sich nicht recht in irer ordnung hal-
ten / vnd auch nichts guts aus dem Ehestande
herkomme.

Wenn nu die Eheleut ires beruffs nicht flei-
sig warnemen / auch Gottes wort / dadurch sie
zusamen gebunden / vnd eines dem andern ge-
schencket ist / aus dem hertzen vergessen vnd fa-
ren lassen / So hat als denn der Teuffel ein star-
cken zutritt / allerley vnrat in dieser Göttlichen
ordnung anzurichten / er blendet bald ire her-
tzen / das keins das ander also ansehen kan / wie

21 ij es im

es ist von Gott ist vorgestellt / der Man gedenc-
cket andere Weiber sind / gleich wie sein Weib/
das Weib gedenccket / ihr Man sey wie andere
Menner / von allen gliedern / wie ein ander Man
gestalt / Derhalben nichts mehr vnd besser zu
halten sey / denn ein ander Man (will hie nicht
sagen von der gemeinen schöpfung / da alle
Mannesbild mennisch / vnd Weibsbilde Weis-
bisch geschaffen sind) sondern ich sage von Ehe-
leuten / wenn ein Man sagen wolt / andere Wei-
ber sind eben wie mein Weib / vnd ein Ehefraw
sagen wolt / andere Menner weren auch gleich
wie jr Man / da ist es sehr weit gefehlet / denn ei-
nem Eheman sollen andere Weiber / seinem
Weibe so vngleich sein / so vngleich er selbst ei-
nem Weibe ist / also auch einem Eheweib sollen
andere Menner iren Man so vngleich sein / so
vngleich sie selbst einem Man ist / denn Gottes
wort zieret dem Man sein Weib / vnd dem Weib
iren Man / welcher schmuck an andern Men-
nern vnd Weibern nicht zu finden ist.

Wo nun im Ehestande solche vngleichheit
nicht erkandt vnd gehalten wird. So mag der
Teuffel leicht an sie setzen / sie sind fertig / Got-
tes vnd seines geschencks nichts sonderlichs zu
achten / auch sein wort vnd befehl hindan zuse-
tzen / vnd des Teuffels eingeben zu folgen / vnd
mag das Weib leicht oder geringe ursach ha-
ben / dem Man iren gehorsam zu versagen / auch
nicht für iren herren vnd haupt (als dem sie zu
gut/

gut / vnd zum gehülffen erschaffen) erkennen/
So lest sich denn der Man auch gedüncken / er
hab vrsach genug / seinem Weibe / die liebe / vnd
andere nottürfftige versorgung vnd pflicht zu
uersagen.

Wenn sie nun (vom Teuffel geblendet) also
daher leben / ist es nicht wunder / das sie ein elen
des / aber doch Gottlos leben furen / keinen frie
de / keine ruhe / keine ergetzligkeit haben / denn
alles was ander Eheleute erfrewet / das macht
sie trawrig / darzu andere Eheleut lust haben /
ist jnen ein vnlust / was andern die zeit kurtzet /
das macht jnen zeit vnd weil lang / Summa
aus einer solchen Ehe wird ein rechtes wehe /
Derhalben auch oft Eheleut / solchen jamer /
elend / vnd vnrube zuuor vermeiden / vnd los dar
von zu werden / von einander lauffen / ein ander
vergeben / oder andern vnrat anrichten.

Vnd welchs das ergste ist / das keines sein
Ampt bedencken / vñ dem andern weichen wil /
das Weib gedenckt / der Man (ob sie gleich nit
thut was sie sol) müsse sich nach jr richten / vnd
jren mutwilligen vngehorsam dulden / vnd ge
schicht bisweilen also / das etliche lose Men
nen vñnd Milchmeuler den Weibern (wider
Gottes befelh / vnd zu schand vnd schmach sei
ner Göttlichen ordnung / da er sagt / er sol dein
herr sein) sich vntergeben / vnd des Weibes vn
gehorsam selbst vrsachen.

Widerumb aber / welcher ein Man ist / vñnd

A iij

getrawet

getrawet Mannes ampt zuerrichten / vnd wil
das Weib regieren / vnd zu schuldigen pflichten
(die von Gott auffgeleget) halten / findet man
wenig Weiber die da folgē/vnd dem Man nach
Gottes wort sich vntergeben/sondern der meis-
ste teil wird vom Sathan also geblendet / vnd
verfüret/das sie nicht können noch wollen vn-
terth an sein/sonder wollen aller ding selber re-
gieren/wie denn der Satan mit dem armen vñ
schwachen Weibs geschlecht (welchs von art
vnd natur zur hoffart geneiget / vnd vbersich be-
gert/auch one das blöde vnd schwache hertzen
haben) durch diesen fall im Ehestand sehr viel
jamer vnd vnrat anrichtet.

Wil aber auch alhie die Menner nicht ent-
schuldigen/welche dem Teuffel auch bisweilen
folgen/vnd sich sehr vbel in irem Ehestand hal-
ten / irem beruff auch nicht trewlich nachge-
hen/doch ist es nicht also gemein / als mit den
Weibern/den der Satan hat es im anfang mit
der Eva also abgespielet/das all ire Töchter ire
Menner bereden sollen / einen bis zu gefallen
vom Apffel thun / das ist / das der Man jr ge-
horsam sey.

Wo denn ein Eheweib ires beruffs nit ach-
tet/dem Teuffel ein mal oder zwey folget / So
setzt der dieb vnd Mörder jmer je lenger je mehr
an sie/bis er sie gantz vnd gar einnimpt / vñnd
von einem laster in das ander treibet / das sie
sich letztlich nicht mehr herauswickeln kan/vnd
on als

on alle schew / auch on alles erkentnus des vn-
rechten / des Satan eingeben vnd jren lüsten fol-
get / das also kein vermanen / bitten / drehen /
kein freundliche noch ernstliche straff hernach-
mals hilfft / ja je mehr man ein solch (vom Sa-
than eingenommen) Weib straffet / je erger sie
werden / das sie auch frey vnnnd vnuerschämpt
(wiewol zu irem mercklichen nachteil) heraus-
faren / vñ jren Mennern vnter augen sagen dörf-
fen / schlagen sie einen Teuffel heraus / so faren
ir zehen wider hinein / da ist zumal mühe vnd ar-
beit / einem fromen Man / bey einem solchen be-
teuffelten Weibe zu wohnen.

Dieweil aber solche Weiber (was für schand
vnd schmach sie erstlich Gott im Dimet / dar-
nach jrem Man / jnen selbst / vnd jren Kindern
zu ziehen) nicht erkennen / habe ich dieselbigen
zehen Teuffel mit jren lastern / wie sie in Gottes
wort abgemahlet / in Reimweis hernach gese-
tzt / das ein jedes Weib / so zucht vnd tugent lie-
bet / sich darfür wisse zu hütten / vnd diser Teuf-
fel keinem folge / Denn wo dieser einer einzeu-
het / komen die andern auch mit.

Nach diesem hab ich auch / so viel möglich
gewest / zehen Tugent der fromen Weiber / wie
sie der heilig Geist in Gottes wort abgemalet /
gesetzt / auff das ein jeglich Weib / so für Gott
rhum / vñ für dWelt ein ehr vnd lob haben wil /
sieh darnach zurichten lerne / Bitte der wegen
alle frome / gotselige / ehrliebende weiber / dz sie

A iiii dises

dieses schreiben / auff sie nit gerichtet / od damit
verunehret / erkennen wollen / Sondern es gilt
den bösen vnartigen / vngehorsamen Göttesle-
sterinnen / ob dieselben aus dieser Schrift le-
hen vnd lernen künden / was für ein greuel / vn-
huld / vnd abschewlich / erschrecklich Bild sie
vor Gott vnd aller Welt sind / vnd sich also nach
Gottes wort vnd befelh gehorsamlich besserte.

Solches ist meine meinung in diesem schrei-
ben / das ich gern wolt / dz nicht allein die Wel-
ber / sondern auch die Menner auff iren beruff
vnd befelh achtung hetten / vnd sich in demsel-
bigen nach Gottes wort gehorsamlich hielten /
so dürfften die Prediger auff der Cantzet /

die Regenten auff den Schlässern / nit so
viel mit bösen vnartigen Leuten zu
schaffen haben / 2c. Den xxiij. tag

Februarij im 1557.

Jar.

Die

Die zehen Teuffel/damit die
bösen Weiber besessen sein.

Der
Gottlose
Stolze
Vngehorsame
Zenefische
Vnuerschampte
Trunckene
Hürische
Mörderische
Diebische
Vnfreundliche
Teuffel.

Gottlos

I. Gottlose Teuffel.

In der heiligen Schrift man liest
Das dieses ein böses Weib ist/
Die Gottes wort nicht hören mag
Vnd kompt darzu selten ein tag/
Vnd lebt on alle Gottes forcht
Seim Göttlichen wort nicht gehorcht/
Strebet darwider zu aller frist.
• Achtet gar nicht/was Gott gefellig ist/
Sie zeuhet nicht wol/ jr Gesind
Nichts gutes lehret sie auch ire kind/
Sie gibet in ergerlich Exempel
Füret sie nicht zu Gottes Tempel/
Das sie Gott möchten reden hören
Der durch sein wort sie wil lehren/
Sie verachtet auch die gnaden zeichen
Fest jr kein Sacrament reichen/
kein Gebet wird da gesprochen
Von jr/durch aus die gantze wochen/
Besücht sich nicht in Gottes gnaden
Der sie bewart vor allem schaden/
Setzet sich freuentlich wider Gott
Wie der Gottlose Teuffel thut/
Welcher sie hat eingenomen
Fest sie zu keim guten gedanken kommen/
Was vnrecht ist/mus jr gefallen
Ob sie es mit Leib vnd Seel mus zalen/

Noch

Noch ist sie also geblendet
Vom Gottlosen Teuffel geschendet/
Das sie sich nicht kan bedencken
Vnd zu Gott irem Herrn wider lencken/
Der manung ist an ir verloren
Sie ist gleich wie ein pusch mit dorren/
Wer dieselben will greiffen an
Viel stift in henden mus er han/
So schmecht sie in/das ist sein lohn.

II.

Stolze Teuffel.

Wie der Teuffel im anfang thet
Da er Gott verachtet het/
Welches geschach aus ybermut
Ein Gottlos Weib dermassen thut/
Wenn sie Gott den Herrn veracht
Seinem befehl stets wider getracht/
Dat sie auch ein stoltzen mut
Vnd leß niemand etwas sein gut/
Niemand sol etwas für ir gelten
Auff der gassen grüß sie selten/
Veracht all andere/wie sie sein
Arm/reich/gros/oder klein/
Vnd wil sich lauter nicht besinnen
Das viel Sünd aus der hoffart rinnen/
Vnd thut so fort dem Teuffel hoffieren
Mit hoffart sich auch eusserlich zieren/
Vnnd füret also grossen Pracht
Sicht sich vmb/hat eben acht/

der 2

B ii

Wo

Wo eine tregt ein schön Rock an/
 Lufft sie heim/ vnd sagets irem Man/
 Er sol jr auch ein solchen Pauffen/
 Oder sie woll thirtzlich von jm lauffen/
 Karteecken zopff/ vnd dünne heublein/
 Purpuranisch mentel vnd kurtze scheublein/
 Welche die vom Adel tragen
 Auch von Golt gewirckte Fragen/
 Zum Kleid begert sie köstlich Tuch
 Darzu Bantoffel vnd Trepschuch/
 Das Dembd mus ausgehehet sein holl
 Vmb den hals vnd hendt der Löcher voll/
 Der Model vber einander geschrencken
 Viel Ketten thut sie an sich hengen/
 Die ein ist weiß/ die ander gebl
 Ein glied ist lang/ das ander sim behl/
 Ir haupt das thut sie also zieren
 Drey Borten tregt sie vber der stieren/
 Der ein von Perlein/ der ander von Sammet
 Der dritt von Goldt herdurcher flammert/
 Die Dauben durch den Schleier schimmert
 Das alles vmb den Kopff her glimmert/
 Ein Kleid ist lang/ das ander kurtz
 Geschlagen Silber mus sein jr Schurtz/
 Auff der Gassen thut sie her wätzen vnd wetzen
 Sie weis nicht/ wie sie die Füß sol setzen/
 Das Daer/ welches jr hat geschaffen Gott
 Das helt sie gar für einen Spott/
 Ein frembdes Daer zu den zopffen
 Mus sie haben auff dem Kopffe/

Vmb

Vmb ein Taler ist's jr nicht zu hoch
 Man wirfft's zuletzt ins heimlich gemoch
 Das Angesicht/welchs jr Gott geschaffen
 Wil sie auch viel besser machen/
 Mit farben thut sie es streichen an
 Von weis vnd rot/das sol schön stan/
 Schendet also frue vnd spat
 Was Gottes Weisheit geschaffen hat/
 Vnd thut nach solcher hoffart streben
 Ob es gleich dem Man nicht ist eben/
 Vnd wil andern Leuten allen
 Zum verderben/jr/vnd jres Manns gefallen/
 Vnd was für hoffart sie kan erdencken
 Thut sie an den hals hengen/
 Darbey man kan abnemen vnd spüren
 Wie die hoffart sie thut führen.

III.

Vngehorsame Teuffel.

Vngehorsam ist das nechst
 Welchs aus der schendlichen hoffart wechst/
 Wie es sich denn thet beweisen
 Mit der Eva im Paradeise/
 Welche verachtet jren Schöpffer
 Der da ist vnser aller Töpffer/
 Welcher gemacht hat vns allen.
 Nach seinem Göttlichen gefallen/
 Doch wolt das Weib höher steigen
 Brach Obs von des Baumes zweigen/
 B iii Vnd

Vnd wolt also aus vbermut
 Gleich sein dem aller höchsten gut/
 Verachtet also sein Göttlich Wort
 Solchs treibet der Teuffel immer fort/
 Das man Gottes befel aus den augen
 Setzen sol/vnd gar verlaugen/
 Wenn ein Weib mit hoffart ist beladen
 Kan sie sich auch für andern schaden/
 Nicht hüten/ oder bewaren
 Thut von einer Sünd zur andern faren/
 Dieweil sie vnghehorsam gegen Gott nicht acht
 Beweist sies gegen jren Man mit macht/
 Sie meint/der Man mus sich schmiegen
 Seinen willen nach dem jren biegen/
 Vndd leß sich darzu nicht regieren
 Man thue sie denn mit Knütteln schmieren/
 Vnd thut also bey jrem leben
 Jrem Man gar nichts nachgeben/
 Sie merckt auch nicht auff seinen mut
 Ob jm etwas misfallen thut/
 Das sie dasselbig thet meiden
 Sie meint/der Man mus es wol leiden/
 Das also der Man an jr
 Nichts denn widerwillen spür/
 Wil denn nach seinem Ampt der Man
 Gehorsam von seiner Frawen han/
 Zeiget jr an/vnd wie es dort
 Geschrieben stehe in Gottes wort/
 Das sie sich lassen sol regieren
 Des Mannes willn setzen für den jren/
 Thut

Gen. 3.

Eph. 5.

Thut sie sich mit macht dawider sperren
Wil weder von Gott noch vom Manne lehren/
Vnd ist also vngehorsam
Inn allen dingen irem Man/
Thut sich freuentlich wider in setzen
Mit zancck thut sie der Teuffel hetzen/
Der folgt darauff gar bald vnd kurtz
Wie eine frucht aus böser wurtz/
Denn miteinander thun sie wandern
Keiner bleibet on den andern.

III.

Zancck Teuffel.

Zancck vnd hader ist nicht weit
Wo hoffart vnd vngehorsam zur herberg leit/
Denn bey einander sind sie gern
Vngehorsam kan des zanccks nicht entpern/
Damit er sich vormeint zu schützen
Vnd wil also die Warheit trötzen/
Wül nicht vngehorsam sein gewesen/
Wie wir denn in der Schrift lesen/
Wenn nu ein Weib also besessen
Ires schuldigen gehorsams thut vergessen/
Vnd wird von irem Man erinnert
Wie sie gehorsam hab von jr gesündert/
Da hebt sich ein plerren vnd grisgrammen
Thut den Man anplecken vnd zainen/
Sie zancckt vnd beißt mit irem maul
Wers hören sol/ dem thut es faul/

Gen. 3.

2 iij Vnd

Vnd gehet/wie der weise Man
 In sein Buch hat gezeiget an/
 Das Löwen vnd Beren grimmig
 Sind nicht so gantz vnd gar vngestimmig/
 Als ein solch zornig vnd zentfisch Weib
 Die mit irem eigen Leib/
 Iren Man also thut plagen
 Mancher scheint sich/vnd darffs nicht klagen
 Ein weites haus wird im zu eng
 Vber zwerch/vnd nach der leng/
 Sagt er etwan ein krummes wort
 Deslichers lebens man nie erhört/
 Sie vorstellt all ihre geberden
 Als ob sie zu einem sack wolt werden/
 Sie schreiet vnd tobet greslich
 Vber Beren vnd Trachen heulich/
 Sie kan nicht leiden vngemach
 Vnd greiffet bald zu eigener rach/
 Kein fried ist da zu suchen
 Sie kan nichts denn zanken vnd fluchen/
 Vnnütz gewesen/vergeblich wort
 Werden am meisten von jr gehört/
 Alles was sie nur erfährt
 Ist auff das aller ergste gekert/
 Wil sich etwa jr Man ergetzen
 Thut inschimpff mit einer andern schvetzen/
 Zuhand hebet sie ein geschelt an
 Kompt heim/du loser huren Man/
 Vnd füret solche liebliche wort
 Die man kaum von ein Landtsknecht hört/
 Das

Prou. 19.

Syrach
26. 25.

Syrach
26.

Das offft mancher frommer Man
 So er anders wil frieden han/
 Mit einer solchen mus die Stuben keren
 Welchs er viel lieber wolt entperen/
 Ist aber das Daus also gethan
 Das man auch gefind mus han/
 Da gehet recht das zencckisch spiel
 Vnd treibt es vber die massen viel/
 Weist die Magd eine hur/oder einen balck
 Den Knecht ein schelm oder schalck/
 Die Magd sey faul oder diebisch
 Der Knecht vorwegen/oder bübisch/
 Solchs hebt sie am morgen an
 Vnd weret/bis man wil schlaffen gan/
 Kein gut wort geht aus irem munde
 Entweder krankheit/marter/oder wundt/
 Vnd wenn das Gfind zu Tisch sol sitzen
 So spricht sie jnen das Beneditzten/
 Vnd keiffelts in also ins maul
 Zum fressen gut/zur arbeit faul/
 Vnd günnet in keinen bissen
 Den sie mit ruhe sollen geniessen/
 Ob sie ins fürgesetzt do
 So schmeckts in gleich wie Dabersto/
 Sie ist also gantz vnd gar besessen
 Vom Zancckteuffel vngemessen/
 Der vnuerschampfte Teuffel folget im nach
 Denn sie ziehen beide an einem Joch.

C

Vnnor/

Vnuorschampte Teuffel.

Wo ein Weib so Gottlos bleibet
 Stoltz vnd vnghehorsam treibet/
 Auch zencckisch bleibt zu aller frist
 Letzlich sich nimmer schämt / das wist/
 Es sey ein Laster klein oder gros
 Kan sie halten weder ziel noch mos/
 Gantz vnuorschämt geht sie hinan
 Kein vnterscheid sie haben kan/
 Thut allwege ehe böses / denn gut
 Das macht / sie hat kein schamhut/
 Der Teuffel hat sie darumb betrogen
 Den vnuorschampten eingelogen/
 Das sie nun gantz los vnd frey
 Treibt schand vnd laster one schew/
 Derhalben ist sie gantz ruhmorisch
 Gegen Kind vnd Gesind stuhrmisch/
 Gar nichts kan sie vortragen
 Sie flucht oder thut mit feusten drein schlagen
 Auch ist sie aller vnart vol
 Ein grauset / der es hören sol/
 Sie verstehet kein schaden noch frommen
 Kan in derhalben nicht vorkommen/
 Ob gleich on gefehr was ist geschehen
 Kan sie gar nichts ybersehen/
 Vnnütz geschwetz / vergeblich wort
 Werden am meisten von ihr gehort/
 Redt man ihr ein / so thut sie glotzen
 Mit bösen Worten hefftig trotzen /

Stelt sich/als hab sie jr zehen erschlagen
Ich glaub/sie solt den Teuffel jagen/
Noch mus jr alles wol stehen an
Wie ein Esel/der wil auff holtzschuch gan/
Mit wort vnd wercken vnbestendig
Wird bald gemacht abwendig/
Wat darzu kein steten sinn
Da bringt sie vnuerschambte bosheit hin/
Sie achtet nicht/was sey ehrlich
Vor Gott vnd der Welt redlich/
Vnd was andern ist vnrlimblich
Weint sie/es sey ihr thimlich/
Ehr vnd zucht thut sie sich enthalten
In schand vnd Laster wil sie alten/
Auch wenn sie heimlich ding thut hören
Welchs niemand sol erfahren/
Auch niemand sol nachsagen
Dasselbige thut sie austragen/
Ist verschwiegen in keinen dingen
Ob es gleich grossen schaden thut bringen/
In des/so leit es in irem Haus
Als hett man die Sew erst getrieben aus/
Da ist's zurissen vnd zuhaddert
Ein Kind nach dem andern herfladdert/
Eins besudelt / das ander beschiesen
Das dritt halb nacket/das vierdt zurissen/
Vnd sehen vmb den kopff so rauch
Gleich als weren hauff schauch/
In der kammern die federn fliegen
Vnd lest die Bett zurissen liegen/

Sie sagt/sie mag nicht flicken
 Weder wircken/nehen/oder sticken/
 Vnd ob sie Flachs an rocken legt
 In acht tagen sie in kaum ein mal anregt/
 Der Rocken ligt vnter Bencken vnd Tischen
 Den Flachs nimpt sie denn zu Arschwischen/
 So hat sie den abge sponnen
 Vnd gehet spatzieren an der Sonnen/
 Das macht der Teuffel vnuerschampt
 Der hat sie nach sein willen gezampt/
 Das sie verdrossen sey vnd fürwitzig
 Desgleichen zu andern Lastern hitzig/
 Ein ander Teuffel nacher zeucht
 Vom vnuerschampten gantz vñ gar nit fleucht/
 Der Sauffteuffel ist er genant
 Den vnuerschembten Weibern wol bekandt/
 Sehr lang ist er da vmbgerandt
 Bis er ein solche herberg fandt.

VI.

Sauffteuffel.

Wenn ein Weib bleibt vnuerschemet
 Auch keiner zucht noch ehren rechnet/
 Die stiftet eitel vnfrommen
 Kan zu keinen guten gedanken kommen
 Was für Gott vnd Welt ist schendlich
 Darein williget sie endlich/
 Weil sie denn hat kein schand noch scham
 Gibt sie nichts auff jren Man/

Vnd

Vnd treibet aus im nur ein spöt
Sie acht auch wenig Gottes gebot/
Da bringt sie hin des Teuffels list
Der gantz in sie gefaren ist/
Eingellen hat er/man kent in wol
Der macht die Leut truncken vnd vol/
In sie ist er gefaren hinein
Dat stettig durst nach Bier vnd Wein/
Vnd hebet mit dem morgen an
Mich wundert/wie sie thawern kan/
Das sie also den gantzen tag
Bis auff den abend sauffen mag/
Das letzte auff/das erste nider
Wens neune schlegt/so kompt sie widder/
Vnd wartet auff den Sonnen schein
Besorgt/sie sal die stiegen herein/
Bald ist sie inn der Küchen
Thut Suppen vnd Fleisch versüchen/
Schickt mit eim Krug bald nach dem Bier
Liebe Magd/so dienestu mir/
Vnd wenn es der Man würde schmecken
Solstu den Krug im winckel verstecken/
Vnd so der Man wird mercken das
So setze in in das Kerich fas/
Vnd so der Man auch merckt die stede
So setz in hinauff vnter ewer Bett/
Vnd so er fragt/wo bistu gewesen
Sprich/ich hab feddern auffgelesen/
Vnd so er nicht wil glauben das
Sag du hast dem Vieh gehawen gras/
C iij. Fehrt

Syrach
26.

Fehrt er denn mit fragen fort
So gib jm gar kein gutes wort/
Sprich/er sol mich selber fragen
Als denn wil ich jm trucken zwagen/
Also bleibt sie selden nüchtern
Gibt böß Exempel Wedt vnd Töchtern/
Vnd hat nicht lust zur messigkeit
Sondern nur zur trunckenheit/
Vnd schendet also iren Leib.
Welchs nicht thut ein ehrlich Weib/
Macht ihr also ein bösen nam
Schendet sich/vnd iren eigen Man/
Dat sie dann wol gezecht vnd getruncken
So redet sie denn nach geduncken
Debet an zu kacken vnd zu kecken
Thut in der Stuben herumbher lecken/
Welt mit den Füßen ein gebümmel
Mit den Denden auffn Tisch ein gerümpel/
Vnd schreiet/wie ein Bader Weid
So den Leuten wasser zutreit/
Wil niemand einer red gestehen.
Ire sol alweg foran gehen/
Gar faul wird sie/vnd auch verdrossen
Derwegen höret gute bessen/
Wenn sie gehen sol ins Diehehaus
So sibet sie zum fenster aus/
Sie spricht/ der weg sey jr zu tieff
Ob gleich ein anders trucken yberhin lieff/
Denn trunckenheit hat in ihr
Geschendet iren schmuck vnd zier/

Ires

Ires Ampts hat sie vergessen gar
 Darzu sie von Gott erschaffen war/
 Der Wein ist hnein/die sinn sind heraus
 Drumb hebt fort an vnkeuscheit haus/
 Das haben die Römer wol errathen
 Haben iren Weibern den Wein verbotten/
 Auch hat es Gott an manche ort
 Verbieten lassen durch sein wort/
 Denn wie viel guts draus kommen kan
 Zeigen Loth vnd Noah an/
 Auch die Geschicht mit Dolophernen
 Wolt Gott/die Weiber thetens lernen/
 Theten trunckenheit nicht, begeren
 So blieb manche bey iren ehren.

Vale.
 Max. lib.
 2. de insti
 tu. antiq.
 Luc. 21.

Genes. 9.
 19.
 Judith
 15. 16.

VII: Vnkeusche Teuffel.

Wenn ein Weib stets lebt im saus
 Vnd wartet ir auff's beste aus/
 Von morgen an/bis in die nacht
 So gewint das Feisch denn seine macht/
 Vnd thut gleich wie der Wein im fas
 Der alles/was im grunde was/
 Vbersich treibt heraus zu spundt
 Also auch/was in hertzens grundt/
 Ist/eines trunckenen Weibe
 Das mag in ihr nicht bleiben/
 Denn trunckenheit ist solcher art
 Das sie vnzucht auch nicht spart/

Seneca.
 ad Lucill.

C. iiii. Mit.

Mit Worten vnd geberden
 Wil sie erfüllet werden/
 Wie es denn ein weiser Deid
 Zusamm gesetzt hat alle beid/
 Wenn Bacchus vnd Teres regieren
 So wil Venus mit haffieren/
 Denn wenn das Fleisch so wird gemest
 Mit fressen/sauffen auff das best/
 So kompt hernach nach seinen sitten
 Der grosse Durenteuffel geritten/
 Vnd sagt/sie sol nach jrem willen
 Des fleisches lust büffen vnd stillen/
 Wo sie das nur bekommen kan
 Vnd nichts fragen nach jrem Man/
 Vnd ob es schon der Herr vnd Gott
 In seinem Wort verbotten hat/
 Noch sol sie des Leibes irer Jugent
 Gebrauchen in lusten vnd vntugent/
 So lang/bis sie etwa alt wirdt
 Da ists denn zeit/das man auffhört/
 In des bleibt sie also besessen
 Thut Gottes ernster straff vergessen/
 Wie Gott zuuor gestraffet hat
 Die Welt/vnd manche schöne Stadt/
 Auch manchen Keiser vnd König schon
 Wissen hiespot/vnd dort ewig verdammis han
 Das alles kan sie nicht besinnen
 Thut in der Duren lieb verbrinnen/
 Weil sie nun jrem Man/vnd Gott
 Allhie lebet zu schand vnd spott/

Virgilius
 de vino
 & Vene-
 re.

Sapien. 2.
 Tribus.
 Synti
 Beniam.
 David:

Sibaris
 Miletus
 Troia
 Roma
 Appian
 Pausani
 as
 Tarqu.

So kompt ein ander Teuffel gerandt
Wird in der Schrift der Mörder genandt/

VIII.

Mordt Teuffel.

Vnkeuscheit/ Ehebruch/ vnnnd vnzucht
Werden inn Trunckenheit gesucht/
Sonst wo man arbeit vnnnd nüchtern ist
Solcher Gedancken man wol vergift/
Wenn aber vnkeuscheit ist entbrandt
So wil sie haben ihren rhand/
Vnd vor welchem sie sich schewen mus
Den wüntschet sie ein schwere bus/
Vnd so viel an jr ist/ wolt sie gern
Das sie alle schon begraben wehrn/
Denn wo der Duren Teuffel wohnet
Keines Menschen er verschonet/
Also thut auch ein Weibesbildt
Welche jrem Man die ehr abstilt/
Da wündscht sie/ das der ewig Gott
In bald wegnam wol durch den Todt/
Geschicht es nicht/ ihr ist nicht wol
Das sie sich für jm schewen sol/
Manche gibt gelt/ vnd das man ihn
Mit gifft sol heimlich richten hin/
Manche kan zu wegen tragen
Das jr Man etwa wird erschlagen/
Wie denn hienon der heilig Geist
In der heilig Schrift ein Exempel weist/

D

Da

2. Sat
muel. 11.

Da David gegen Urias Weib
Entbrandt war in seinem Leibe/
Schickt er nach jr alda zuhandt
Vnd treib mit jr vnkeusche schandt/
Darnach hat er gar kurtzen rath
Wie jr Man wurd gebracht zum todt/
Er schreib Joab sein Hauptman dort
Er solt in an ein fehrlich ort/
Stellen im streit/ das er vmbkeme
Vnd ihm der feindt das Leben name/
Das ist des Duren Teuffels brauch
Dergleichen Exempel weis ich auch/
In einer Stadt gebawet schon
Gehört zur Behemischen Kron/
Ein Ehebrecherin da wonet
Die hett ihr in Man gern gar abgelohnt/
An ein Feierabendt wolt sie die sachen
Mit irem Man gar aus machen/
Ein gute laug hat sie gemacht
Sein Daubt zu waschen auff die nacht/
Wie sich der Man da nider pücket
Die Fraw ein starcke Woltz art zücket/
Dieb ihm in hals ein tieffe wundt
Gott halff dem Man/ das er auffstundt/
Die Duer wol zu der Stadt auszhan
Ihr lebenlang nicht wider kam/
Ein anders/ vnd wie es ist geschehen
War ich dabey/ vnnd habs gesehen/
Das auff ein zeit ein frommer Man
Ein junge Widfraw zum Weibe nam/

Vnd

Vnd da sie kam zu ihm ins Haus
 Da lebt sie stettigs in dem saus/
 Mit sauffen vnd auch mit fressen
 Die was auch mit diesen Teuffeln besessen/
 Sie war Gottlos/stoltz/ vnd zencfisch
 Vnuorschambt/truncken/hirisch/vnd mörder
 Diebisch/vnfreundlich vnd vnghehorsan (risch
 In allen dingen gegen ihren Man/
 Im haus hat der Man ein Knecht
 Der was der Frawen lieb vnd gerecht/
 Nun wolt es sich nicht allweg fügen
 Das sie zeit zur vnzucht möchten kriegen/
 Denn der Man war stets im haus
 Den hettens lieber gewust daraus/
 Der Man ein wenig schuldig war
 Zudenem geht die Frawen dar/
 Vnd zeigt ih an/wie das jr Man
 Werdt kurtzlich lauffen gar darvon/
 Derhalb sollen sie des gewissen rechen
 Vnd ihren Man lassen einneimen/
 Vnd meint also der Durenbalck
 Wie sie denn lehrt der Teuffel vnd schalck/
 Wenn der Man sitze im Dundeshaus
 Können sie der vnzucht mit fug warten aus/
 Im xxviij. Jar es sich zutrug
 Das der Man die Frawen schlug/
 Die Fraw die stiegen hinauff begert
 Da stund der Knecht mit blossen schwert/
 Vnd hieb alda den frommen Man
 Das ihm das Blut ybers Angesicht ran/

D ij Der

Der Mann also in seinem grun
 Wirfft den Knecht wol vnter ihn/
 Dringet aus den henden im sein schwert
 Ihn mehr zu thun er nicht begert/
 Des andern tages schicket er ihn
 Sein Schwerdt vnd Kleider/ lies in ziehen hin
 Der Knecht war nicht gar lange aus
 Kam wider/ zog in ein ander haus/
 Das thet billich weh dem frommen Man
 Gieng hin/ vnd zeigets ein erbarn Rath an/
 Der Rath den Knecht lies baldt einsetzen
 Der Teuffel thet die Frawen hetzen/
 Das sie Bier vnd guten Wein
 Dem Durer bracht ins Gefengnus hincin/
 Vnd hatten da ein solchen rath
 Er solt den Man schlagen zu todt/
 Die Herren verbotten im die Stadt
 Die er bisher vormieden hat/
 Solcher Exempel findt man mehr
 Das mancher Man vmb gut vnd ehr/
 Darzu auch vmb sein leben kommet
 Wenn der Mordt Teuffel brummet.

IX.

Diebische Teuffel.

Wo wonet trunckenheit vnd hurerey
 Da folget mordt vnd dieberey/
 Der diebisch Teuffel sich nicht saumbt
 Sein pferdt hat er gar baldt gezaumbt/
 Kompt

Kompt gerandt vnd thut anweisen
Das ein Weib aller tück sich sol fleissen/
Damit sie jr auswarten kan
Ob gleich verdirbt jr eigen Man/
Sie sol abtragen nach irem gefallen
Der Man mus wol anders zalen/
Vnd ob der handel ist wünderlich
Sol sie lernen sündlich/
Mit listen vnd mit tücken
Das sie etwas mag entzücken/
Ist der handel in einem krame
So lawer sie auff die einname/
Als denn mag sie so viel berechen
Das sie etwas behelt zu zechen/
Ist es denn mit Bier schencken
Kan sie auch ein list erdencken/
Vnd mag das Belt in Keller graben
Kans finden/wenn sie es wil haben/
Sie spricht/im fas sey gewesen
Viel Dessen/drumb hab sie nicht fund lösen/
Wie aus eim andern also viel Belt
Drumb hab es jr so viel gefelht/
Ist der handel am Gewandschnide
Daleufft der Dieb weidlich mit/
Schneidet sie zwölff ellen dauon
Von achten sagt sie irem Man/
Das Belt vor die andern viere
Gibt sie für Wein vnd Biere/
Ist denn der handel mit stabel vnd eissen
Dem Man thut sie die helfft kaum weissen;

D iij Das

Das ander mus zu irem pracht:
Darauff sie lange zeit gedacht/
Vnd legets also an ire hoffart
Ihrem Durer sie auch mit spart/
Dem thut es wol erspriessen
Des gestolen Gelts mus er geniessen/
Sie kauft ihm hübsche Satzsetlein
Schöne Federn / vnd Spanisch Paretlein/
Da ist das Belt wol angelegt
Welchs sie irem Man diebisch abtregt/
Ist der aber am Getreide
So weis sie auch ihren bescheide/
Ist es aber ein Wandtwercks Man
So hat sie diebisch handschuch an/
Wenn sie auff den marckt thut lauffen
Sol Brodt / Fleisch / Fisch / oder Eyer kaffen/
So bringt sie kaum die helfft so viel
Das ander Belt inn Diebsack wil/
Ergreift sie denn des Mannes Taschen
So stilt sie Belt volauff zu naschen/
Da kauft sie Rosincken / Mandel vnd Zucker
Das mus wol alles durch den schlucker/
Zimetinden / vnd gutte Feigen
Bis man auff die Kirschenbaum thut steigen/
Der kan sie nicht essen genug
Der Erdtber vol ein gantzen Krug/
Darnach der Pflaumen vnd Spilling
Opffel / Birn / vnd gutte Pfirsching/
Als denn die Amorellen
Bis man Welsche Nüss thut schelen/
Dazu

Darzu auch viel Weintrauben
 Kan sie künstlich abher klaben/
 Gar heimlich in dem Kuchlen brett
 Ein grosser Topff mit genesche steht/
 Der ist nicht lehr den gantzen tag
 Sie laufft darüber wenn sie mag/
 Zwey Schürtzthuch vber einander sein
 In einem ist ein sack nicht klein/
 In diesem hat sie genesches viel
 Sie nimpts heraussert/wenn sie wil/
 Ein handel müst nicht sein gar schlecht/
 Der solch nachgelt ertragen möcht/
 Ist aber die narung mit Diebezucht
 Da hat der Dieb erst ein gutte ausflucht/
 Da stilt sie Fleisch/Brodt/Butter vnd Kees
 Baldt den Habern/ Korn vnd Weitz/
 Summa/wer wolt so klug sein
 Der es alles kündet schreiben ein/
 Was ein diebisch Weib kan abtragen
 Vnd thut dennoch stettigs darzu klagen/
 Wird es alles an so schendtlich
 Zu vberflus vnd vnzucht endtlich/
 Das machet alles das sie hat
 Dem Teuffel geben raum, vnd stat.

X.

Vnfreundlich Teuffel.

Wenn sich ein Fraw nicht thut bewaren
 Vnd leßt die Teuffel in sich faren/

D iiii

Also

Also/das sie ist trewlos worden.
In ihrem Ehelichen orden/
Vnd ist irem Man also feindt.
Das sie in nicht mit trewen meint/
Vnd wil in bringen vmb Leib vnd Gut
Die hat gewis ein solchen mut
Das sie eusserlich in geberden
Will deni Man vnfreundtlich werden/
Von jr wird da kein gutes wort
Den gantzen tag durchaus gehort/
Ob gleich der Man jr redet zu
Geht sie hinaus in stal zur Kuh/
Thut nichts/denn in nur trötzen
In allem sich wider in setzen/
Vnd was der Man nur haben wil
Treibt sie stets das widerspiel/
Will nichts denn zanken vnd murren
Im haus hin vnd wider schnurren/
Mit betten vnd mit essen
Thut sie des Mannes oft vergessen/
Mit im mag sie nicht schimpffen
Treibt nichts denn vnglimpffen/
Macht sich stets widersetzig
Ist auch sonst vnbarmbertzig/
Kompt ein armes für das Haus
So schreiet sie vnfreundtlich hinaus/
Sie thut sich nicht erbarmen
Vber die elenden vnd Armen/
Ob sie gleich sind in höchster not
Schilt sie ybel für ein stück Brodt/

Woltthat

Wolthat kan niemand von jr bekommen
 Sie hab sein den dreifachen frommen/
 Vnd sey auch ihres gleichen
 Da lest sie volauff verschleichen/
 Ihr Man aber mus gehen her
 Nicht anders/ als er ein Föler wer/
 Das Dembd/darein er ist gekrochen
 Wird im kaun gewaschen in vier wochen/
 Das also der Man durchaus
 Nichts anders hat in seinem Daus/
 Denn solch Gottlos Teuffels gestift
 Welchs seinem Leben ist ein giff/
 Vnd werein solch Weib mus han
 Der hat warlich ein rechten Scorpion/
 Sie ist erger denn Lewen vnd Drachen
 Thut dem Man sein leben sawer machen/
 Sie ist ein eitter in seinen beinen
 Bey Leuten mus er sich jr schemen/
 Ein sandiger weg wol auff der Strassen
 Macht in zu allen dingen verdrossen/
 Vnd wie ein böses Dach thut triessen
 Also kan sie nichts/den zanken vnd kiesen/
 Ein solcher Man hat frölich zeit
 Wie einer der gefangen leit/
 Für das Leben nem mancher den Todt
 Das er nur kamaus dieser not/ etc.

Ihesus
 Syr. 26.
 prou. 19
 Syr. 26.
 prou. 12.
 Syrach
 26. 25. 26
 prou. 27

E **Beschlus**

Beschlus.

Welcher lebet on Gottes forcht
Vnd seinem wort auch nicht gehorcht/
Lebet auch in freiem willen
Nach seinem lust sich thut füllen/
Vnd lebt im saus tag vnd auch nacht
Auff nichts/denn nur vntugent tracht/
Vnd achtet nicht auff erbarkeit
Auch nicht auff zucht vnd redligkeit/
Vnd verzeret also seine Tugend
In schanden vnd vntugent/
Wil sich auch nicht lassen machen zahm
Vnd bleibet vngehorsam/
Wil sich auch nicht lassen regieren
Den wil Gott durch ein solch Weib registriren

Bitte derwegen alle ehrliebende Menner vñ
Weiber / wollet dieses schreiben dahin nicht
deutē/das ich dñ ehrlich Geschlecht der Weiber
in genere / durchaus damit schmehe / denn ich
wol weis / das ich Gottes geschöpff / welches
alles gut vnd wol erschaffen ist / nicht allein nit
verachten / viel weniger lestern oder schmehen/
sondern mit danck annemen vñnd gebrauchen
sol / Es sol aber den bösen vnartigen vnd vnge-
horsamen Weibern/welche den Teuffel sich rei-
ten vnd treiben lassen / die da weder Gott noch
Welt schewen/weder schand noch ehr / weder
sich noch iren Man vnd Kind bedencken / die
sollen

sollen hleraus lernen / wo sie diesen erzeleten
Teuffeln folgen / was für ein erschrecklich spe/
etackel sie sind / für Gott vnd allen Engeln im
Himel / desgleichen für allen ehrlichen Leuten
auff Erden / Auch wie viel vnschuldiger hertzen
vnter iren Kindern vnd Befind sie verwunden
vnd ergern / vnd was für schwere rechen schafft
sie Gott dafür geben müssen / vnd das sie nicht
allein alhie auff Erden / von iren Weibern / wel
che solchen mutwillen vnd vnzucht nicht alle lei
den können / sollen geschlagen / vnd bisweilen
gar gekriuppelt werden / Sondern sollen auch
mit denen Teuffeln / welchen sie folgen / ewig
hellisch fiewer / vnd vnaussprechliche pein lei
den / diese will ich nu / nicht allein nicht geschme
het / Sondern ire Gottlose hoffart / vngehör
sam / zenneklisch gemüt / vnuorschambe geberde /
Trunckenheit / Durerey oder Ehebruch / mör
derisch hertz / dieberey vnd vnfreundlichkeit / mit
andern lastern angezeigt haben / auff das ande
re ehrliche vnd frome Weiber sie meiden / bey in
nicht wohnen / kein gemeinschaft mit in habē /
ob sie schamrot würden / vnd sich besserten.

Vnd ob gleich etliche sein würden / so es für
ein schmachschrift ansehen vnd halten wolten /
die bitte ich / sie wollen doch gedencen / dz ichs
nit erger gemacht / denn der heilig Geist in der
Schrift / den ich hab allein vñ eusserliche gew
liche wercken vñ vnzüchtige geberde / die ich nit
errichter / sond geschē vñ erfahren habē / geschrie
ben.

be. Der heilig Geist aber hat sie nach irer hertze
vnd innerlichen affecten / als der gewis weis/
was im Menschen ist / beschrieben / der sagt / dz
Schlangen / Scorpion / Drachen / Lewen / vnd
Beren nicht so arg sein / es sey auch sicherer bey
in wohnen / denn bey einem solchen beteufl/
ten / vberteuffelten / vnnd durchteuffelten Weis
be / Wie denn solchs in Sprüchen Salo
monis / vnd im Ihesus Syrach inn
vorgemelten Sprüchen / vnnd an
andern örten mehr zu se
hen ist / etc.

Zeichen

Zeichen Tugend der frommen Weiber.

Gottsfürchtig.

Demütig.

Gehorsam.

Friedlich.

Züchtig.

Nüchtern.

Keusch.

Gütig.

Getrew.

Freundtlich.

E in

Gott

I.
Gottfürchtig.

Luc 11.
Deut: 6.

In der heiligen Schrift man liest/
Das solches ein fromes Weib ist/
Welche von hertzen gern hört/
Wo sie darzu kommen kan/ Gottes wort/
Redet vom selben mit irem Gesind/
Vnd lerets auch darzu ire Kind/
Vnd lebet in rechter Gottes forcht/
Seinem Göttlichen wort gehorcht/
Thut auch darwider zu keiner frist/
Bedenckt stets was Gott gefellig ist/
Gibt Kindern vnd Gesind gutte Tempel/
Nimpt sie auch mit in Gottes Tempel/
Das sie da mögen hören
Von irem Gott/ der sie thut lehren/
Das sie in recht lernen erkennen
Darnach von hertzen Vater nennen/
Vnd lest ir off die Sacrament reichen
Sagt Kind vnd Gesind von diesen Gnadenzei-
Dermanet sie mit gantzem fleis (chen/
Das sie auch halten solche weis/
Sich nicht setzen wider Gott
Sondern in anruffen in der not/
Vnd glauben seiner gnaden
So wird in gar nichts schaden/
Vnd hütten sich vor ybermut
Wie sie denn auch selber thut.

Demit/

II

Demütig.

Ein Weib/vnd das Gottselig ist
 Inn demut sie sich helt/ das wist/
 In irem hertzen/sinn vnd mut
 Sie lautter nichts aus hoffart thut/
 Dem Göttlichen wort nicht widertracht
 Rein andern Menschen sie voracht/
 Sie hat gantz demütige Sitten
 Für wen sie geht/den grus anbitten/
 Vnd wie jr hertz ist vol demut
 Mit geberden sie nicht anders thut/
 Ihr Kleider sind also gemacht
 Das man dran spüren mag kein pracht/
 Mit Silber/Goldt/vnd edelgestein
 Treibet sie durchaus kein schein/
 Sie denckt der Rock der sey jr gut
 In welchem sie dem Man gefallen thut/
 Mit schmuck thut sie sich nicht beladen
 Sie besorgt/es bring dem haus vnd jr ein schatz
 Kartecken zöpff vnd gülden hauben (den/
 Lange Mentel vnd Kurtze schauben/
 Achtet sie als schlechtes Tuch
 Kein Pantoffel/ sonder Schuch/
 Tregt sie an aus messigkeit
 Vnd hüt sich für hoffertigkeit.

Matth. 10
Luc. 10.

1. pet. 3.

2. Tim. 2.

¶ III Gehor.

III. Gehorsam.

Wenn in ein Weib kein hoffart wohnet
Anderer Leut sie gern verschonet/
Thut kein andern Menschen schmehen
Durch demut kan sie sich ansehen/
Sie leß das richten vnd ausecken bleiben
Welchs die hoffertigen Leut treiben/
Darumb/ vnd das sie hat gehört
Das Gott saget in seinem wort/
Er wöll der hoffart widerstreben
Den demütigen aber gnad geben/
Weil sie sich thut für hoffart bewaren
Komen andere Tugent mitgefahren/
Gen. 3. Das sie sich helt gehorsam
In allen dingen gegen irem Man/
Lest sich denselbigen regieren
Setzt seinen willen für den iren/
Vnd folget fein sanct Peters rath
1. pet. 5. Der sie gar wolgeleret hat/
Wie die from Sara Gott gethan
Gegen ihrem Man Abraham/
Den hies sie ihren Herren
Solchs thut sie hertzlich gern/
Vnd mercket auff des Mannes weis
Nicht sich darnach mit grossen fleis/
Sie gedencet anch/ vnd das es Gott
Also von jr gefordert hat/

Weil

Weil sie nu vor Gott sich schewet
Was er vorbent/ von hertzen fleuhet/
So richt sie sich in gantzer still
Nach Gottes wort/ vnd Mannes will/
Thut sich mit willen vor jm bucken
Kein vngehorsam gegen jm zucken.

III.

Friedlich.

Fried vnd einigkeit ist nicht weit
Wo demut zur herberg leit/
Denn bey einander sind sie gern
Zanckens Könnens wol entpern/
Gehorsam/ wo derselbig wonet
Dat in Gott zeitlich hie belohnet/
Das sein Regenten vnd vnterthan
Die auff Erden genossen han/
Er hat das Landt mit fried gesegnet
Allerley wolthat vber sie geregnet/
Also wo ein Weib vnd Man
Mit einander guten frieden han/
Welcher denn daher thut fließen
Wenn das Weib gehorsam hat bewiesen/
Damit nimpt sie dem Man das hertz
Das er sie liebet one schertz/
Vnd thut auch alles das vermeiden
Was dem Man nicht steht zu leiden/
Do haben sie gar sanfftes leben
Gott wil ju auch sein segen geben/

5 Vnd

Vnd sie nicht lassen leiden not
Behüten auch für schand vnd spot/
Vnd wenn das haus ist so gethan
Das man auch Gefindt mus han/
Da ist sie nicht ruhmorisch
Gegen Kind vnd gfind nicht sturmisch/
Thut sie freundlich vnterweisen
Sagt/sie sollen nicht widerbeissen/
Kan bisweiln durch dsfinger sehen
Obs nach irn willn nicht ist geschehen/
Gar wenig zornig wort sie treibet
Das nur fried im hause bleibet.

V.

Züchtig.

Wenn ein Weib Gottselig bleibet
Stoltz vnd yngehorsam meidet/
Einig vnd auch friedlich lebet
Zucht vnd scham da gern flebet/
Gantz züchtig vnd ver schampt sie ist
Fleucht schand vnd laster zu aller frist/
Kein grobes vnuer schampts wort
Wird in keim weg von jr gehort/
Alles was jr vbel anstehet
Desselben gern müßig gehet/
Thut sich des bösen willig enthalten
In zucht vnd ehr wil sie alten/
Nichts thut sie/es sey denn ehrlich
Vor Gott vnd der Welt redlich/

Bey

Bey Leuten ist sie nicht vorwegen
 Wie etliche lose Weiber pflegen/
 Die da entblößen ars vnd haupt
 Sie spricht/es sey jr nicht erlaubt/
 Nicht gern ist sie bey solchen bossen
 Ir rede kan sie züchtig mossen/
 Das gewesch mus nicht sein jr allein
 Leits bleiben beim ja oder nein/
 Vnd so sie auff die gassen mus gan
 Schawt sie nicht alle zinnen an/
 Steht nicht allweg für wen sie geht
 Sie weis/das Weibern ybel ansteht/
 Ihr sach richtet sie endtlich aus
 Vnd geht denn wider heim zu haus/
 Vnd raumet alles fein zusammen:
 Von Töpffen/Schüsseln/Tiegeln vnd pfannē/
 Ists alles fein angeriegen.
 Leits nicht vber eim hauffen liegen/
 Dat sie denn auch der kindlein klein
 Vnd darff darzu der Windelein/
 Die sind gar rein gewaschen aus
 Nicht schlammig leits in jrem haus/
 So feddern aus den betten kriechen
 Thut sies fleissig zusammen sichen/
 Sie hebt sie auff/steckt es wider hinein
 Ists zurißsen/sie flickt es fein/
 Auff das nicht grösser werd das loch
 Vnd geschäch ein grösserer schad hernoch/
 Wenn die Kinder ausm bette gehn
 Leits nicht ein halben tag nackt stehn/

5 ij Sie

Sie lests auch nicht also zuhaddern
 Straubet vmb den kopff herfladdern/
 Schlicht in das haer/gibt in ein Dembo
 Desgleich den Knaben sie auch kempt/
 Vnd hebt da mit in auff ir hendt
 Das Vater vnser sie in nent/
 Den Glauben/vnd die Zehen gebot
 Vnd lehrt sie also dienen Gott/

VI:

Nüchtern.

Ein Weib welche sich nicht hütten kan
 Vor geringen lastern/vnd fehets an/
 Da darffes gar weniger arbeit
 Zu mehr lastern ist sie bereit/
 Dagegen aber ein züchtig Frawen
 Thut mit rechtem fleis da schawen/
 Das sie also zu aller zeit
 Von einer Tugent zur andern schreit/
 Das kommet alles danon her
 Vnd das sie Gott in seiner lehr/
 Gefürchtet hat zu aller zeit
 psal. m. Das ist der anfang zur Weisheit/
 Das sie sich nu wol richten kan
 Nach alle dem/was Gott wil han/
 Vnd was da frem Standt gebürt
 Mit gantem fleis sie das volfür/
 Dieweil sie denn hat scham vnd zucht
 Bedenckt sie was daraus für frucht/

Er/

Erfolgen sol/dem Kompt sie nach
 Auff das sie irem Man kein schmach/
 Zufüge/vnd ihr kein schaden
 Thut sich mit sauffen nicht beladen/
 Vnd helt gar feine messigkeit
 Nüt sich mit fleis vor trunckenheit/
 Denn sie schendt ein ehrlich Weib
 Vnd macht vntüchtig iren Leib/
 Das sie jr schand nicht decken kan
 Schendt sich damit/vnd iren Man/
 Denn trunckenheit einem Weibes bildt
 Gibt vrsach/das sie wird gar wildt/
 Vnd ires Ampts nicht recht kan pflegen
 Was man thun sol/bleibt vnterwegen/
 Sie bleibet derhalb stetig nüchtern
 Gibt gut Exempel Wedden vnd Töchtern/
 Vnd ergert auch nicht ander Leut
 Dieweiles Gott hefftig verbeut.

Ephes. 5

Matt. 18

VII. Keusch.

Ein Weib das nüchtern vnd züchtig bleibet
 Ander vnart sie gewis nicht treibet/
 Wie andere/so vnuorschamiet sein
 Sich teglich füllen mit Bier vnd Wein/
 Da wechst warlich kein gutte frucht
 Wo nichts/denn trunckenheit wirdt gesucht/
 All scham ist hin/vnd gar verloren
 Auch wird vnkeuschheit daraus geboren/

§ iij Das

Das thut ein ehrlich Weibe nicht
 Dat jr leben auff Keuscheit gericht/
 Kein grobes wort von jr erschalt
 Nört sies aber/sie erschrickt gar baldt/
 Auch thut sie alles das vormeiden
 Damit die andern vnzucht treiben/
 Oder vrsach darzu nügen geben.
 Solches fleucht sie jr gantzes leben/
 Ihr Mann liebt jr/sie helt sich sein
 Auff Erden ist keiner so fein/
 Ein trewer gehülff wil sie jm bleiben
 Dieweil sie hat die Seel im Leibe/
 Sie bsorgt auch/es möcht sie Gott
 Straffen wol mit dem ewigen Todt/
 Sie wil viel lieber haben gnad
 Die Gott den jenigen versprochen hat/
 Welche da leben nach seim willen
 Mit reichem seggen sie erfüllen/
 Solchen Segen hett sie gern
 Helt sich Keusch in worten vnd geberdn/
 Vormeidet alle vmbstende
 Die ein ehrlich Weib schenden/

VIII. Gütig.

Ein Keusch vnd reines Weib von art
 Die sich also in zucht bewart/
 Kein ander Man ihr bas gefelt
 Denn welchem sie ist zugeselt/

Bey

Bey dem bleibt sie in rechter trew
Ihr beider lieb ist stetigs new/
Damit thut sie sich ergetzen
Falsche lieb mag sie nicht letzen/
Denn andere Menner jung vnd alt
Sind gegen ihrem vngestalt/
Vnd ob sie gleich sind jung vnd reich
Noch sind sie irem nicht geleich/
Ihres Mannes leben acht sie hoch
Vnd ob im etwa leid geschoch/
Das bringt jr warlich schmerzzen
Mehr denn an irem eigen hertzen/
Sie rendt vnd laufft/hat grossen fleis
Damit sie ire trew beweis/
Vnd ob er kompt in todes not
So lidt sie gern vor in den Todt/
Vnd ob er etwa würd entrüst
Mit zorn/das ist jr gar kein lüst/
Sie braucht alda alle ymbstendt
Das sie den ynmuth von im wendt/
An hilff vnd rath da fehlt es nicht
Das irem Man kein leid geschicht/
Vnd so der Man mus ziehen aus
Vnd wegreisen von seinem haus/
Da ist jr leid/bis sie den Man
Gesund sihet ins hause gan/
Sie thut nichts vnbedechtig
Vnd ist im haus vorsichtig/
Sie verstehet schaden vnd frommen
An allem weislich fürkommen/
F iiii Vnd

Vnd ob sie leidet vngemach
Irem Man befielt sie die sache.

IX.

Getrew.

Sabac. 1.
Job 21.

Ein Weib/welchs der vntrew spilt
Mit ihrem Man/billich mans schilt/
Das sie allein ire kotzen
Wil füllen/das sie strotzen/
Ich sag/die sey nicht ehren werth
Doch lest sie Gott auff dieser Erdt/
Bleiben/wie ander Gottlos Leut/
Ein ehrlich Weib sich darvor schewt/
Sie hat in jr kein solchen mut
Das sie dem Man stele sein gut/
Sie weis gar wol/vnd das sie Gott
Dem Man zum ghillffen geschaffen hat/
Was jr nu zustehet in dem haus
Das richtet sie mit trewen aus/
Im haus thut sie fleis nicht sparen
Sie sicht dem vieh selber zum baren/
Das erste auff/das letzte nider
Ehe es recht tag wirdt/kommt sie wider/
Das haus vnd auch die küchen
Thut sie zu rechter zeit besichen/
Vnd hat der Man was geschaffen hinein
Lest sie den hagel nicht schlagen drein/
Im Garten fleissig/im haus rüstig
Ist zu aller erbeit lustig/

Mit

Mit auffraumen/bessern vnd flicken
Mit nehen/wircken / oder sticken/
Lest sich nicht müßig finden
Nimpt ehe ein Koecken/vnd thut spannen/
Vnd wie der handel ist gethan
So hilfft sie trewlich iren Man/
Auch hat sie sonst ein feste nus
Wo man etwas verschweigen mus/
Das mag niemand von ir bringen
Ist vorschwiegen in allen dingen/
Ob sie gleich etwas hört/sagen
Thut sie solchs nit austragen.

X.
Freundlich.

Salomon in sein Sprüchen schreibet
Das solcher Man gesegnet bleibet/
So vberkompt ein solches gut
Deser sich stets erfrewen thut/
Das ist ein Weib from vnd getrew
Die bey jm wohnt on alle schew/
Dauon er hat freude vnd wonne
Wie der Nimel der schönen Sonne/
Vnd die da ist im haus kostfrey
Gegen dem Gfind/vnd wers sonst sey/
Vnd thut sich auch gern erbarmen
Von hertzen vber die Armen/
Vnd gibet denselbigen gern
Thut es ehe selber entperen/

6 Vnd

Vnd kan auch wolthun jederman
 Ob sies gleich nicht vordienet han/
 Vor allen dingen helt sie sich
 Gegen irem Man gar lieblich/
 Vnd richtet all jr thun gar eben/
 Dieweil sie bey jm mus leben/
 Das sie also in allen
 Ihrem Mann müge gefallen/
 Sie merckt eben auff seinen mut/
 Ob jm etwas misfallen thut/
 Mit fleis thut sie es meiden
 Ob sie gleich bisweiln mus leiden/
 Allein darumb/vnd das an jr
 Der Man kein widerwillen spur/
 Vnd das sie also stetzig bliebe
 Gegen dem Man in rechter Liebe/
 Dat es den fug mit glimpffen
 Kan sie mit jm höflich schimpffen/
 Mit Worten vnd geberden
 Ihrs gleichen lebt nicht auff Erden/
 Sie vbertrifft Golt vnd die Perlen
 Silber vnd auch edelgestein/
 Dieser Man ist warlich gesegnet
 Vber welchen diese gab regenet/
 Ein gute starcke seyl er hat
 Daran er sich inn seiner not/
 Mag halten/das jm wol gelinget
 Ob in gleich schwere not vmbbringet/
 Er lebet sanfft/wirdt jm nicht sauer
 Umb sein gut hat er ein wauer/

Prov. 31.

Er

Er bleibet auch in gutem rath
Dieweil er diesen gehülffen hat/
Der im erquicket seinen mut
Er dancke Gott für sollich gut/
Denn von der Welt hat er sie nicht
Wie uns denn die Schrift berichtet/
Es hat in irer gewalt die Welt
Zu geben haus/hoff vnd das feldt/
Aber ein frommes Ehegemahl
Kompt herab von Gottes sahl/
Die wird auch von Gott geleret
Mit allen Tugenden gezieret/
Das sie ist Gottselig vnd demütig
Gehorsam/mildt vnd gütig/
Barmhertzig/wolthetig vnd friedlich
Sanfftmitig/bestendig vnd lieblich/
Verstendig/fürsichtig vnd messig
Nüchtern/schambafftig vnd fleissig/
Züchtig/ehrlich vnd verschwiegen
Schimpffhafftig/from/ich thue nicht liegen/
Sie zieret das haus/vnd auch den Mann
Das er sich ihrer rühmen kan/
Von ihr haben die Kinder ehr
Ihr eigen werck loben sie sehr.

Beschlus.

Wer hie auff Erden leben wil
Vnd haben warer freunde viel/
Der findt sie nirgend anderswo
Denn allein im Ehestandt. do/

G. II. Er

Er hüt sich aber / das er nicht
Geb vrsach / wie denn oft geschicht /
Das in Gott in der Ehe mus plagen:
Was er in seinen jungen tagen /
Verdienet hat mit seinem leben:
Darvor sol er sich hütten eben /
Wer aber lebt in Gottes forcht:
Auch sein Göttlichen wort gehorcht /
Vnd bringt zu seine Tugent:
Inn zucht / scham / vnd tugent /
Fleuhet läster vnd schnödigkeit
Vnzucht vnd leichtfertigkeit /
Gotteslesterung vnd trunckenheit:
Vnd helt sich nach Gottes gerechtigkeit /
Der wird von Gott anff dieser Erdt
Einer solchen Hausmutter gewert.

Das xxvj. Cap. Ihesu Sprach.

Wol dem / der ein tugentsam Weib hat / Des
lebet er noch eins so lang.

Ein heuslich Weib ist irem Man ein freude /
vnd macht im ein fein rüdig leben.

Ein tugentsam Weib ist ein edle gabe / Vnd
wird dem gegeben / der Gott fürchtet / Er sey
Reich oder Arm / so ist im ein trost / vnd macht
in allzeit frölich.

Drey ding sind schrecklich / vnd das vierd ist
grewlich / Verretherey / Auffrhur / vnschuldig
Blut vergiessen / welche alle erger sind / denn
der

der Todt. Das ist aber das hertzfeldt / Wenn
ein Weib wider das ander einert / vnd schendet
sie bey jederman.

Wenn einer ein böses Weib hat / so ist es eben/
als ein vngleich par. Deßseits / die neben ander
ziehen sollen. Wer sie kriegt / der kriegt einen
Scorpion.

Ein truncken Weib ist ein grosse plage / Den
sie kan ire schande nicht decken.

Ein hürisch Weib kennet man bey irem vn-
züchtigen Gesicht / vnd an iren Augen.

Ist deine Tochter nicht schamhafftig / so
halt sie hart / Auff das sie nicht iren mutwillen
treibe / wenn sie so frey ist:

Wenn du merckest / das sie frech vmb sich si-
het / so sthe wol drauff. Monicht / vnd sie thut
darüber wider dich / so las dichs nit wandern.
Wie ein Fuggenger der durstig ist / lechtzet sie /
vnd trinckt das nechste wasser / das sie krigt. Dñ.
setzet sich / wo sie einen stock findet / vnd nimpt:
an / was jr werden kan.

Ein freyvollich Weib erfrewet iren Mann /
Vnd wenn sie vernünfftig nit im vmbgehet /
erfrischt sie im sein hertz.

Ein Weib das schweigen kan / das ist ein ga-
be Gottes / Ein wolgezogen Weib ist nicht zu
bezalen.

Es ist nichts liebers anff Erden / denn ein
züchtig Weib / Vnd ist nichts köstlichers / denn
ein keusches Weib.

G iij. Wie:

Wie die Sonne/wenn sie auffgängen ist/ in
dem hohen Himmel des W. Aren ein zierde ist/
Also ist ein Tugentsam Weib ein zierde in jrem
Dause.

Ein schön Weib/das from bleibt/ist wie die
helle Lampe auff dem heiligen Leuchter.

Ein Weib das ein bestendig gemüt hat / Ist
wie ein güldene Seulen/auff den Silbern Stü-
len.

Ende,

Gedruckt zu Leipzig / durch
Georgium Hantsch.





